



**Broj:** 14-02-05-01039/18  
Sarajevo, Mart 22. 2018. godine

**Bosna i Hercegovina**  
**Federacija Bosne i Hercegovine**  
**SKUPŠTINA KANTONA SARAJEVO**  
**SARAJEVO**  
*(Na pažnju predsjedateljice, prof. Ane Babić)*

**Predmet: Odgovor na zastupničku inicijativu broj: 01-05-9200/18 od 06.03.2018. godine - dostavlja se ;**

Zastupnik Amar Dovadžija na 38. Radnoj sjednici Skupštine Kantona Sarajevo održanoj dana 05.03.2018. godine, u okviru tačke Dnevnog reda "Zastupnička pitanja, inicijative i odgovori" u skladu sa Poslovníkom Skupštine Kantona Sarajevo, pokrenuo je zastupničku inicijativu vezano za "dostavu detaljnog inspekcijskog izvještaja svih inspekcijskih kontrola koje je ova Uprava izvršila u KJP "ZOI 84" doo u periodu od 31.12.2016. godine do 05.03.2018. godine" koja glasi:

" Podnosim inicijativu prema Kantonalnoj upravi za inspekcijske poslove Kantona Sarajevo , da na prvoj narednoj sjednici Skupštine Kantona Sarajevo , Skupštini Kantona Sarajevo dostavi detaljan inspekcijski izvještaj svih inspekcijskih kontrola koje je pomenuta Uprava vršila u KJP "ZOI 84" doo počev od 31.12.2016. godine pa sve do današnjeg dana tj.05.03.2018. godine".

U vezi s pokrenutom zastupničkom inicijativom, dostavljamo slijedeći

**ODGOVOR:**

U periodu koji je naveden u zastupničkoj inicijativi od 31.12.2016. godine do 05.03.2018. godine u "ZOI 84" Olimpijski centar Sarajevo doo, izvršeni su inspekcijski nadzori iz više upravnih oblasti , pa u cilju lakšeg praćenja izvršenih inspekcijskih nadzora i poduzetih mjera, informaciju dostavljamo po upravnim oblastima i to kako slijedi:



## ***Inspekcijski nadzori izvršeni od strane inspektora rada***

**1. Inspekcijski nadzor na zahtjev predsjednika sindikata** kod ovog poslodavca izvršen je 19.05.2017. godine, a na okolnosti provjere zakonitosti u proceduri zasnivanja radnog odnosa za period počev od 01.12.2016. do dana inspekcijskog nadzora. Inspektor rada je utvrdio da isti nije ispoštovao proceduru propisanu Pravilnikom o radu, te nije pribavljao saglasnost Vlade Kantona Sarajevo, a na snazi je bio moratorij u zapošljavanju, zbog čega je inspektor rada upravnom mjerom, rješenjem upozorio poslodavca na obavezu poštivanja propisane procedure. O navedenom inspekcijskom nadzoru sačinjen je zapisnik broj: UP-1-14-09-34-08269/17-09/17-003.

**2. Inspekcijski nadzor na ponovni zahtjev predsjednika sindikata** izvršen je dana 05.07.2017.godine i konstatovano je zapisnikom broj: UP-1-14-09-34-11297/17 da se i dalje ne poštuje Pravilnikom o radu propisana procedura za zasnivanje radnog odnosa, te obzirom da je poslodavac u prethodnom inspekcijskom nadzoru upozoren na obavezu pravilne primjene odredbi Pravilnika o radu kojim se reguliše zaključivanje ugovora o radu, u smislu da se zasnivanje radnog odnosa sa novim radnikom vrši isključivo putem objave oglasa o zasnivanju radnog odnosa u sredstvima javnog informisanja, a izuzetno putem nadležene Službe za zapošljavanje, inspektor rada je prema pravnom licu i prema odgovornom licu društva djelovao izdavanjem prekršajnih naloga u ukupnom iznosu od 4.000,00 KM.

**3. Inspekcijski nadzor izvršen po prijavi radnika** dana 15.08.2017. godine o čemu je sačinjen zapisnik broj: UP-1-14-09-34-14704/17-09/17-003, a na okolnost da mu je poslodavac izvršio promjenu radnog mjesta bez poštivanja člana 23. stav 1. tačka 3. Zakona o vijeću zaposlenika. Obzirom da je inspektor rada utvrdio da su navodi tačni, kao i da je radnik raspoređen na radno mjesto za koje ne ispunjava uslove propisane Pravilnikom o radu sa sistematizacijom, na što je poslodavac prethodno upozoren od strane inspektora rada, to je inspektor djelovao prekršajnim nalogom prema pravnom i prema odgovornom licu u ukupnom iznosu od 4.500,00 KM

**4. Na iste okolnosti izvršen je inspekcijski nadzor dana 14.12.2017.godine također po zahtjevu sindikalnog povjerenika** i zapisnikom broj: UP-1-14-09-34-24342/17-09/19 konstatovano da poslodavac i dalje ne poštuje odredbe Pravilnika o radu koje se odnose na proceduru zapošljavanja. Inspektor rada je ponovo djelovao prekršajnim nalogima u ukupnom iznosu od 4.000,00 KM.

**5. Inspekcijski nadzor izvršen je po prijavi predsjednika sindikata** kod ovog poslodavca dana 19.09.2017. godine o čemu je sačinjen zapisnik broj UP-1-14-09-34-17191/17. Inspektor rada je prema poslodavcu djelovao prekršajnim nalogima u ukupnom iznosu od 4.000,00 KM zbog nepoštivanja odredbi Pravilnika o radu koje se odnose na proceduru prijema u radni odnos, a na čije poštivanje je ranije upozoren rješenjem inspektora.

U istom inspekcijskom nadzoru prema poslodavcu djelovano je i upravnom mjerom – rješenjem kojim se upozorava poslodavac na obavezu primjene člana 24. stav 1. Zakona o vijeću zaposlenika i primjene Pravilnika o radu koji je na snazi.

**6. Na zahtjev sindikalnog povjerenika** u 2017. godini su izvršena još dva inspekcijska nadzora u KJP “ZOI'84” OCS doo Sarajevo povodom čega je utvrđeno da nisu osnovane tvrdnje sindikalnog povjerenika o navodnim povredama prava radnika. Naprijed navedeno je konstatovano zapisnicima broj: UP-1-14-09-34-02231/17-09/18 i UP-1-14-09-34-09776/17-09/18.

7. **Inspeksijski nadzor na zahtjev predsjednika sindikata** kod ovog poslodavca izvršen je 12.02.2018. godine, a na okolnosti provjere zakonitosti u proceduri zasnivanja radnog odnosa. U istom inspeksijskom nadzoru nisu konstatovane nepravilnosti, a sačinjen je zapisnik broj: UP-1-14-09-34-03042/18-09/19.

### *Inspeksijski nadzori izvršeni od strane inspektora rada u oblasti zaštite na radu*

**U sklopu redovnih aktivnosti, inspektor rada iz oblasti zaštite na radu, obavlja redovne godišnje inspeksijske nadzore kod navedenog poslodavca** i to u Ski centru Igman Bjelašnica i OJ Zetra sa akcentom na praćenje ispravnosti sredstava rada i opreme vertikalnog transporta (žičare i ski liftovi). Od strane postupajućeg inspektora nisu konstatovane nepravilnosti, a sačinjen je zapisnik broj:UP-1-14-09-34-07972/17-09/08.

1. Inspeksijski nadzor izvršen je dana 26., 27. i 29. 12.2017. godine u predmetu broj UP-1-14-09-34-25971/17 kojom prilikom je inspektor zaštite na radu donio upravnu mjeru zabrane rukovanjem i puštenjem u rad fiksne četverosjedne žičare, obzirom da inspektoru nije predložen dokaz da je objekat žičara izgrađen prema tehničkoj dokumentaciji u kojoj su primjenjene mjere zaštite na radu. Zabrana teče od 04.01.2018. godine i traje sve dok se ne otklone utvrđeni nedostaci koji prouzrokuju neposrednu opasnost po zdravlje i život radnika radi čega je donesena odluka o zabrani. Dana 24.01.2018. godine izvršen je kontrolni pregled žičare na Bjelašnici i konstatovano je da se zabrana rukovanjem žičarom poštuje.

2. **Inspeksijski nadzor je po prijavi stranke**, na okolnosti koje se iz predstavke dijelom odnose na aspekt zaštite na radu, konkretno praćenje ispravnosti ski lifova /baby ski liftova/ lociranih na Malom polju - Igmanu izvršen je dana 05. i 06.03.2018. godine, u predmetu broj UP-1-14-09-34-04194/18 kojom prilikom je od strane postupajućeg inspektora utvrđeno da je na liftovima /pet komada/ prije ski sezone izvršen remont po planu remonta, te da su isti 07.12.2017. godine periodično pregledani i ispitani od strane ovlaštene organizacije zaštite na radu koja je na osnovu rezultata ispitivanja izdala za svih pet liftova upotrebne dozvole u kojim je konstatovano da liftovi udovoljavaju zahtjevima utvrđenim propisima iz oblasti zaštite na radu.

### *Inspeksijski nadzori izvršeni od strane tržišno-turističke inspekcije*

1. Dana 03.01.2017. godine kantonalni tržišno-turistički inspektor izvršio je redovan inspeksijski nadzor o čemu je sačinjen zapisnik broj: UP-1-14-08-20-21505/16. Nadzor je vršen nad primjenom Zakona o fiskalnim sistemima kojom prilikom nisu utvrđene nepravilnosti u radu subjekta nadzora.

2. Dana 14.01.2017. godine izvršen je redovan inspeksijski nadzor na iste okolnosti o čemu je sačinjen zapisnik broj: UP-1-14-08-20-21955/16. Prilikom nadzora nisu utvrđene nepravilnosti u radu subjekta nadzora.

3. Dana 31.12.2017. godine izvršen je redovan inspeksijski nadzor o čemu je sačinjen zapisnik broj: UP-1-14-08-20-24282/17 sa predmetom nadzora iz oblasti Zakona o fiskalnim sistemima i iz oblasti Zakona o ugostiteljskoj djelatnosti.

Tom prilikom konstatovan je prekršaj iz oblasti Zakona o fiskalnim sistemima zbog neizdavanja fiskalnih računa a za koji prekršaj je postupajući inspektor izrekao novčanu kaznu u vrijednosti od 2.500,00 KM za pravno lice i 1.000,00 KM za odgovorno lice, te je konstatovan prekršaj iz Zakona



o ugostiteljskoj djelatnosti zbog nevođenja Knjige žalbe na propisan način, a za koji prekršaj je postupajući inspektor izrekao novčanu kaznu u vrijednosti od 500,00 KM za pravno lice i 200,00 KM za odgovorno lice (izdat je jedan prekršajni nalog pravnom licu u vrijednosti od 3.000,00 KM i jedan prekršajni nalog odgovornom licu u vrijednosti od 1.200,00 KM)

4. Dana 26.01.2018. godine izvršen je redovan inspekcijski nadzor o čemu je sačinjen zapisnik broj: UP-1-14-08-20-00680/18 sa predmetom nadzora iz oblasti Zakona o fiskalnim sistemima i iz oblasti Zakona o ugostiteljskoj djelatnosti.

Tom prilikom konstatovan je prekršaj iz oblasti Zakona o fiskalnim sistemima zbog neizdavanja fiskalnih računa i prekršaj iz oblasti Zakona o ugostiteljskoj djelatnosti koji se odnosi na neusklađenost cijena koje se primjenjuju sa cijenama iz ovjerenog cjenovnika.

Za navedene prekršaje postupajući inspektor je izdao prekršajne naloge u sticaju i to za pravno lice u vrijednosti od 2.501,00 KM i odgovornom licu u vrijednosti od 1.001,00 KM.

5. Dana 01.03.2018. godine izvršen je redovan inspekcijski nadzor o čemu je sačinjen zapisnik broj: UP-1-14-08-20-04011/18-08/26 sa predmetom nadzora iz oblasti Zakona o fiskalnim sistemima.

Tom prilikom konstatovan je prekršaj iz oblasti Zakona o fiskalnim sistemima zbog neizdavanja fiskalnih računa. Za navedene prekršaje postupajući inspektor je izdao prekršajne naloge u sticaju i to za pravno lice u vrijednosti od 2.500,00 KM i odgovornom licu u vrijednosti od 1.000,00 KM.

Shodno utvrđenim nezakonitostima i nepravilnostima u pogledu primjene Zakona o fiskalnim sistemima u prethodne tri kontrole, može se konstatovati da se radi o tzv., povratniku u počinjavanju prekršaja.“

Naime, članom 4. Zakona o fiskalnim sistemima („Sl.novine Federacije Bosne i Hercegovine“ broj 81/09) je definisano da „Obavezu evidentiranja svakog pojedinačno ostvarenog prometa preko fiskalnih uređaja i to nezavisno od načina plaćanja (gotovina, ček, kartica, virman i sl.) ima svako lice koje je upisano u odgovarajući registar za promet dobara, odnosno za pružanje usluga klijentima.“

Obzirom da kontrolisani subjekt nadzora postupa suprotno citiranom članu naprijed navedenog zakona, jasno je da ne izdavanjem fiskalnih računa za svaki pojedinačni promet ugostiteljskih usluga, utiče na poresku eroziju i razvoj negativnih pojava „sive ekonomije“ u Kantonu Sarajevo.

### ***Inspekcijski nadzor izvršen od strane veterinarske inspekcije***

Dana 26.01.2018.godine izvršen je redovan inspekcijski nadzor iz nadležnosti veterinarske inspekcije pri čemu je sačinjen zapisnik u broj UP-1-14-05-24-01711/18. U momentu kontrole u frižiderima su zatečeni oblikovani proizvodi od usitnjenog mesa, 7 kg ćevapa i 17 kg hamburgera bez obavezne proizvođačke deklaracije i veterinarske potvrde, 2a obrasca iz mjesta, odnosno objekta utovara.

Prema činjeničnom stanju, a u skladu sa članom 86., stav 1., tačka 10. i 19. Zakona o veterinarstvu BiH (“Sl.glasnik BiH”, broj 34/02) postupajući inspektor je zabranio dalju prodaju, upotrebu i naložio neškodljivo uništenje proizvoda, koji nisu propisno označeni, deklarirani i praćeni veterinarskom potvrdom. Mjere naložene zapisnikom, izrečene su i pisanim rješenjem inspektora.



U toku nadzora, uzeti su i dodatni uzorci proizvoda i briseva površina za laboratorijsko ispitivanje (ukupno pet uzoraka), čijim je ispitivanjem na Veterinarskom fakultetu u Sarajevu dobiven nezadovoljavajući rezultat kod jednog uzorka, brisa radne površine, gdje je utvrđen broj aerobnih mezofilnih bakterija iznad propisanih vrijednosti. Pored navedenog, u objektu su zatečeni proizvodi životinjsko porijekla, sir tipa edamer oko 80 kg, puter oko 10 kg, pileći file 10 kg, mileram, mlijeko i jogurt proizvođača Meggle, dobavljača Penny plus d.o.o. bez veterinarske potvrde, odnosno 2a obrasca iz mjesta, objekta utovara.

S obzirom na utvrđeno činjenično stanje, kontrolisano pravno lice počinilo je prekršaj zbog postupanja u suprotnosti s članom 17. stav 1. i 2. Zakona o veterinarstvu BiH ("Sl.glasnik BiH", broj 34/02), kažnjiv u skladu sa istim zakonom novčanom kaznom u iznosu 4.350,00 KM za pravno lice i 1.740,00 KM za odgovorno lice i prekršaj iz člana 4. Zakona o zdravstvenom nadzoru životnih namirnica i predmeta opće upotrebe ("Službeni list SR BiH" broj: 43/86, 18/90), kažnjiv u skladu sa istim zakonom novčanom kaznom u iznosu 250,00 KM za pravno lice i 50,00 KM za odgovorno lice. S tim u vezi izrečene su jedinstvene novčane kazne u iznosu 4.600,00 KM za pravno i 1.790,00 KM za odgovorno lice u pravnom licu.

### *Inspekcijski nadzori izvršeni od strane vodne inspekcije*

**1. Dana 19.05.2017. godine izvršen je inspekcijski nadzor u predmetu kontrola izvršenja Rješenja broj: UP-1-14-04-25-181818/16 od 13.12.2016. godine,** kojim je naloženo uređenje odvodnje oborinskih voda sa parking površine preko separatora ulja i pribavljanje vodnih akata za iste, kao i pribavljanje vodnih akata za prepumne sisteme, septičke jame i kanalizacioni sistem na lokaciji Ski centar Igman Bjelašnica shodno odredbama Zakona o vodama („Sl.novine Federacije Bosne i Hercegovine“ broj 70/06). Obzirom da je u kontrolnom pregledu utvrđeno da naložene mjere nisu izvršene, izdati su prekršajni nalozi u visini od 5.000,00 KM za pravno lice i 500,00 KM za odgovorno lice.

**2. Dana 07.02.2018. godine izvršen je usmjereni inspekcijski nadzor po telefonskoj prijavi građana** koja se odnosila na parking prostor na fudbalskom terenu i zelenoj površini na lokaciji Babin Do Bjelašnica. U cilju otklanjanja konstatovanih nedostataka, subjektu nadzora je naloženo pribavljanje vodnih akata za planirane radove sanacije parkirišta sa rokom izvršenja 20.03.2018. godine.

### *Inspekcijski nadzori izvršeni od strane termoenergetske inspekcije*

**1. Dana 09.05.2017. godine po zahtjevu kantonalnog tužioca Kantona Sarajevo, termoenergetski inspektor je izvršio inspekcijski nadzor na objektu „Dvorana Zetra“** o čemu je sačinjen zapisnik broj: UP-1-14-07-17.1-08005/17-07/05-011. Prilikom vršenja inspekcijskog nadzora, konstovani su nedostaci zbog čega je inspektor u cilju otklanjanja istih djelovao upravnom mjerom - rješenjem. Dana 31.05.2017. godine, izvršena je kontrola izvršenja rješenja kojom prilikom je konstatovano da je po istom postupljeno odnosno da je „ZOI 84“ doo Sarajevo, angažovao firmu „Inspekt RGH“ doo Sarajevo koja je izvršila radove 24.05.2017. godine.

Izvršena je provjera sedam sigurnosnih ventila na izmjenjivačima toplote i četiri na instalaciji amonijaka. Za svaki sigurnosni ventil je urađen zaseban protokol.

**2. Dana 07.12.2017. godine izvršen je redovan inspekcijski nadzor sa predmetom poslovanja pregled pokretnih nosuda za ugljen - dioksid koji se koriste u protivnožarnoj zaštiti o čemu je sačinjen**



web: <http://kuip.ks.gov.ba>

mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151; 569-890

Sarajevo, Reisa Džemaludina Čauševića br. 1

### *Inspekcijski nadzori izvršeni od strane elektrenergetske inspekcije*

**Po zahtjevu kantonalnog tužioca Kantona Sarajevo od 05.05.2017. godine, elektroenergetski inspektor je dana 08.08.2017. godine, izvršio inspekcijski nadzor na objektu Olimpijska dvorana "Juan Antonio Samaranch" i utvrdio slijedeće:**

Napajanje dvorane Zetra je obezbjeđeno iz transformatorskog područja TS 10/0,4 kV ZETRA 1 (1278) u vlasništvu JP Elektroprivreda BiH, Podružnica "Elektrodistribucija" Sarajevo. Navedena trafostanica je u pogonski sigurnom i tehnički ispravnom stanju.

Uređaji za rezervno napajanje (DEA - dizel električni agregat i UPS) u momentu inspekcijskog nadzora nisu bili u funkciji. Prema izjavi predstavnika KJP "ZOI 84" Olimpijski Centar Sarajevo poduzete su mjere za otklanjanje utvrđenih nedostataka i ponovnog puštanja u rad, jer je prutupožarna inspekcija MUP-a KS, Rješenjem broj 03/1-44-91 od 27.04.2017 godine zabranila upotrebu sportske dvorane Zetra do otklanjanja uočenih nedostataka.

Održavanje elektro instalacija i navedenih uređaja rezervnog napajanja sportske dvorane Zetra određeno je članom 50. Zakona o zaštiti od požara i vatrogastvu u Federaciji Bosne i Hercegovine ("Službene novine Federacije BiH", broj 65/09). Za nadzor nad primjenom istog nadležna je inspekcija za protivpožarnu zaštitu koja organizacijski djeluje pri MUP-u Kantona Sarajevo.

Na lokalitetu dvorane Zetra, KJP "ZOI84" Olimpijski Centar Sarajevo, nalazi se trafostanica TS 10/0,4 kV Zetra 2 (1292), u sklopu objekta "Kotlovnice Zetra".

U izvještaju o izvršenom pregledu i ispitivanju trafostanice TS 10/0,4 kV Zetra 2 (1292), izvršenom od strane ovlaštenog privrednog društva, navedeno je da su izmjerene vrijednosti na objektu u skladu sa navedenim tehničkim uslovima/ propisima, pa TS zadovoljava uslove za izdavanje potvrde o rezultatima mjerenja i ispitivanja. Također je navedeno, da vizuelnim pregledom nisu ustanovljeni vidljivi uslovni nedostaci i oštećenja na TS, a izmjerene vrijednosti zadovoljavaju propisane uslove.

#### **Dostavljeno:**

1. Predsjedateljici Skupštine KS
2. Sekretaru Skupštine KS
3. Sekretaru Vlade KS
4. Arhiva





web: <http://kuip.ks.gov.ba>  
mail: [kuip@kuip.ks.gov.ba](mailto:kuip@kuip.ks.gov.ba)  
Tel: + 387 (0) 33 770-100 (centrala)  
+ 387 (0) 33 569-870 (direktor)  
Fax: + 387 (0) 33 770-151; 569-890  
Sarajevo, Reisa Džemaludina Čauševića br. 1